

集部

欽定四庫全書 · 中即集卷二

集部

詳校官監察御史 臣曹錫寶 檢討臣何思釣覆勘

校對官中書 平稔文 總校官編修臣王縣緒 磨録監生 臣葉寶書

**欽定四庫全書** ストララ 蔡中郎集 提要 11. 未亡敌復出也宋志著録僅十卷則又經散 後漢左中郎將蔡邕集十二卷註曰梁有二 臣 乃仍作二十卷當有官書使脱而民間傳本 十卷録一 等謹案蔡中郎集六卷漢蔡邕撰隋志載 卷則其集至隋巴非完本舊唐志 祭中部集 集部二 别集類 漢

銀定正庫全書 准劉鎮南碑斷非邑作以年月考之其說良 前輩宜有邕文遂改建安二年為熹平二年 是張本刑去劉碑不為無見然以伯淮為岂 本多寒增損互有出入卷首歐静序論姜伯 與詩共得九十四首證以張溥百三家集刊 亡非其舊本矣此本為雍正中陳留所刊文 本無之其事記書不載或疑為後人贋作然 則近于武斷矣張本又載薦董卓表而陳留

其遊與乾隆四十五年十一月茶校上 于陳留以桑梓之情欲為隱諱故削之以滅 亦難以史所未載斷其事之必無或新本刊 張璠華嶠謝沈衣松司馬彪諸家今皆散佚 後漢諸史自表范二家以外尚有謝承薛 美新同稱則宋本寔有此文不自張本始載 劉克莊後村詩話已排武此表與揚雄剧秦 總養官紀的陸錫熊孫士毅

**欠足四年公言** 

察中部集

火足四軍全 眷祐我魏之句盖以宗廟指魏也又魏武帝祠橋太尉 文志泊吳氏西齊書目並云邑集十五卷今之所傳德 金商門答灾異疏被收時表及世傳獨斷女訓文選陳 為傳於世傳所載者釋海幽冀刺史關疏陳政要七事 漢蔡中郎傳邕博學解章為靈紀十意及雜文凡百四 太丘等碑文初學記短人賦纔十數篇而已 蔡中郎集原序 卷六十四篇其中可疑者宗廟頌賛述武皇風昊天 蔡中郎集 按唐書藝

是為二十六年太和二年乃魏明帝之二年至是又八 邕為王允所害時年六十一據邕金商門答灾異被收 月堯操薨三月改延康十月禪于魏王丕即初平四年 初平三年也光和元年戊子至初平三年壬申岂正六 表云臣今年四十八靈帝光和元年也董卓被誅獻帝 鎮南暉建安十三年薨太和二年葬按邕傳董卓被誅 文稱丞相冀州收魏王 操又姜伯淮碑稱建安二年卒劉 一矣又初平至四年改與平二年改建安至五年正

自プロル

邑安得紀述 建廣披衆集固不 雜以他人之文非本編也建安黃初文體多相類復 武帝及武皇也其姜伯淮劉鎮南薨聖先後年代差遠 太守破黄巾於壽張至建安十三年操自為丞相二 計 くこうし ハニラ 邕死已三十六年矣按初平誅卓之歲操始為東 操自進為魏王始有魏宗廟而操不得先稱魏 聖紀號龍集癸亥餘月哉生明後八日海陵 耶集既缺五卷今所傳者盖後人好事者 可知其誰之作也因然證事跡識 蘇中 郎集 = 於 西 I

大きりえ 斷 明的母母 111 のおりの まだは THE PARTY OF THE P Contract. 策書二日制書三日記書四 蔡中郎集 語の 後日省中印日璽所至日幸 服器械一 臣民稱之曰陛下其 漢 祭邕 百物曰東輿 撰 所

戒書 皇帝皇王后帝皆君也上古天子庖養氏神農氏稱皇 天王諸夏之所稱天下之所歸住故稱天王 王者至尊四號之別名 **尭舜稱帝夏段周稱王秦承周末為漢驅除自以德兼** 銀灰四庫全書 而不改也 王畿内之所稱王有天下故稱王 三皇功包五帝故并以為號漢高祖受命功徳宜之因

朕我也古者尊甲共之貴賤不嫌則可同號之義也免 皇帝至尊之稱皇者煌也威德煌煌無所不照帝者諦 天子正號之別名 家 天家百官小吏之所稱天子無外以天下為家故稱天 也能行天道事天審諦故稱皇帝 天子夷狄之所稱父天母地故稱天子 朕在位七十載卑陶與帝舜言曰朕言惠可底行屈

類也 陛側以戒不虞謂之陛下者羣臣與天子言不敢指斥 改也 上者尊位所在也太史令司馬選記事當言帝則依違 如之及羣臣士庶相與言曰殿下閣下執事之屬皆此 陛下者陛階也所由升堂也天子必有近臣執兵陳於 原曰朕皇考此其義也至秦天予獨以為稱漢因而不 天子故呼在陛下者而告之因 軍達尊之意也上書亦

| 多定匹庫全書

天子自謂曰行在所猶言今雖在京師行所至爾巡狩 天下所奏事處皆為宫在京師曰奏長安宫在泰山則 當東車與以行天下故羣臣託東與以言之或謂之車 與猶車也天子以天下為家不以京師宫室為常處則 也天子至尊不敢洪賣言之故託之於乗與東猶載也 乘與出於律律曰敢盜乘與服御物謂天子所服食者 但言上不敢深賣言尊號尊王之義也

禁中者門戶有禁非侍御者不得入故曰禁中孝元皇 今日固封聖春秋左氏傳日魯襄公在楚季武子使公 後遂無言之者 稱曰天家 運者印也印者信也天子, 聖以玉螭虎細古者, 尊早共之月 后父大司馬陽平侯名禁當時避之故曰省中今宜改 連舉朝廷以言之也親近侍從官稱曰大家百官小吏 日奏奉高官惟當時所在或日朝廷亦依違尊者所都

とこうも 澤以免俸故日幸也先帝故事所至見長吏三老官 幸者宜幸也世俗謂幸為使俸車駕所至臣民被其德 來天子獨以 日君子無幸而有不幸小人 田 冶 祖之年是故謂之幸皆非其所當得而得之王仲 問璽書追而與之此諸 以前民皆以金玉為 軒作樂賜食皂帛越中刀珮帶民爵有級數或賜 1.L. | 印稱鹽又獨以玉屋臣莫敢用也 印龍虎紅惟其所好然則秦 侯大夫印稱聖者也衛宏曰 有幸而無不幸春秋傳 レス

蘇中耶集

ŋ

皇帝曰以命諸侯王三公其諸侯王三公之薨於位者 亦以策書誄益其行而賜之如諸侯之策三公以罪免 **策書策者簡也禮曰不滿百字不書於策其制長三尺** 於口如妾接於寢皆曰御親愛者皆曰幸 **多穴四庫在書** 亦賜策文體如上策而隸書以又一木两行惟此為異 短者半之其次一長一短兩編下附篆書起年月日稱 則人主必慎所幸也御者進也凡衣服加於身飲食入 民之多幸國之不幸也言民之得所不當得故謂之幸然

為 とこうるたい 州郡 惟赦今贖今召三公詣朝堂受制書司徒印封露布 **铅書者部語也有三品其文曰告某官官如故事是為** 無姓凡制書有印使符下逐近皆重封尚書令印重封 屬是也刺史太守相刻奏申下上遷書文亦如之其徵 制書帝者制度之命也其文曰制詔三公赦令贖令之 九卿若遷京師近官則言官具言姓名其免若得罪 蔡中郎集 £.

者也

章者需頭稱稽首上書謝恩陳事詣關通者也 官是為戒物也世皆名此為策書失之遠矣 戒書戒勃刺史太守及三邊管官被勃文曰有詔勃某 百可若下其官云云亦曰詔書羣臣有所奏請無尚書 詔書羣臣有所奏請尚書令奏之下有制曰天子答之 四曰駁議 凡羣臣上疏於天子者有四名一曰章二曰奏三曰表 **全奏制字則答曰已奏如書本官下所當至亦曰詔** 

**到**庆匹库全書

臺也 首死罪死罪左方下附曰其官臣其甲上文多用編两 表者不需頭上言臣某言下言臣某誠惶誠恐頓首頓 者所請若罪法刻案公府送御史臺公卿校尉送謁者 奏者亦需頭其京師官但言稽首下言稽首以聞其中

改定可量公事 一人

大夫以下有同姓官別者言姓章曰報聞公卿使謁者

行文少以五行詣尚書通者也公卿校尉諸將不言姓

將大夫以下至吏民尚書左丞奏間報可表文報已奏

蔡中耶集

日稽首再拜公卿侍中尚書衣帛而朝日朝臣諸營校 昧死曰稽首光武因而不改朝臣曰稽首頓首非 漢承秦法羣臣上書皆言昧死言王莽监位慕古法去 競議異其非駁議不言議異其合於上意者文報 曰某 意者曰駁議駁議曰其官其甲議以為如是下言臣愚 其有疑事公卿百官會議若臺閣有所正處而獨執異 如書凡章表皆啓封其言密事得皂囊盛 官某甲議可 グビ 朝

**飲定四車全書 !!!** 京師天子之畿內千里象日月日月躔次千里 之衆者莫過於人京大師衆也故曰京師也 天子所都日京師京水也地下之衆者莫過於水地 百乘之家曰百姓 尉將大夫以下亦為朝臣 王者臨撫之别名天子曰兆民諸侯曰萬民 子命令之别名一 名曰政者之竹帛 百乘之家子 男之国 一日命 察中郎集 名日命 二日今 奉而

東門之外示有所尊訓人民事君之道也秋夕朝月於 天子父事三老者適成於天地人也兄事五更者訓於 安車顿輪送迎而至其家天子獨拜於屏其明旦三老 者天子親祖割牲執醫而饋三公設几九卿正履使者 又三老老謂久也舊也壽也皆取首妻男女完具者古 五品也更者長也更相代至五也能以善道改更已也 西門之外別陰陽之義也 天子父事天母事地兄事日姊事月常以春分朝日於

陽氣踵黃泉而出故以為正也 故以為正也周以十一月為正八寸為尺律中黃鍾言 詣闕謝以其禮過厚故也又五更或為更叟老稱與: とこうら たち 三代年歲之別名唐虞曰載載歲也言一歲莫不覆載 寸為尺律中大 吕言陰氣太勝功黃鍾宣氣而萬物生 簇言萬物始簇而生故以為正也殷以十二月為正九 老同義也 三代建正之别名夏以十三月為正十寸為尺律中太 蔡中印集

平再閏 **使有夫人有世婦有妻有妾皇后赤綬玉璽貴人綿終** 也諸 閏月者所以補小月之減日以正歲數故三年! 屬也士曰婦人婦之言服也庶人曰妻妻之言齊也公 天子諸侯后如夫人之别名天子之如曰后后之言後 故曰載也夏曰歲一 多女四月全書 印 網終色 侯之妃曰夫人夫之言扶也大夫曰孺人孺之言 似 綠 日稔也商日祀周日年 閏 £

四星其 改定口氧全事 一茶中部集 御女周人上法帝磐正如又九九為八十一增之合百 十七世婦殷人又増三九二十七合三十九人八十 以三三而九合十二人春秋天子 天子后立六宫之别名三夫人帝響有四妃以象后妃 妾 十人也天子一取十二女象十二月三夫人九嬪諸 取九女象九州一妻八妾卿大夫一妻二妾士 明者為正妃三者為次妃也九嬪夏后氏增 取十二夏制也 妻

外牢 妹曰長公主儀凡諸侯王異姓婦女以恩 澤封者曰君 祖之廟七七廟一壇一 廟社稷皆在庫門之內雉門之外天子三胎三穆與 天子諸侯宗廟之別名左宗廟東曰左帝姓牢三月在 比長公主 王者子女封邑之差帝之女曰公主儀比諸侯帝之 時已足肥矣從之三月示其潔也右社稷西曰右宗 一月在中牢一月在明牢一月謂近明堂也三月 一墠日考廟王考廟皇考廟顯考

自グビ匠

と言い

ě

廟 とこうう ハナ 日門日行下士一廟日考廟王考無廟而祭之所謂祖 士二廟 日廟者也亦立二祀與上士同府史以下未有爵命號 大夫以下廟之別名大夫一昭 庶人及庶人皆無廟四時祭於寢也 擅考廟王考廟四時祭之也士 壇 一揮日考廟王考廟皇考廟皆月祭之 擅考廟王考廟亦四時祭之而已自立二 蔡中郎集 穆與太祖之廟三三 一廟降大夫二也

廟祖考廟皆月祭之諸侯二昭二穆與太祖之廟五

金分四月在書 薦考姚於過寢之所祭春薦非卵夏薦麥魚秋薦恭豚 無屋者也 祭之無禱乃止去彈曰思擅謂祭土起堂彈謂祭土而 周桃文武為桃四時祭之而已去桃為壇去壇為軍有禱馬 尚書曰用命賞於祖不用命戮於社 曰王社一曰帝社古者有命将行師必於此社授以政 天子之宗社日泰社天子所與羣姓立社也天子之社 冬薦稻馬制無常牲取與新物相宜而已

炎足刀五公島 與天地絕也面北向陰示滅亡也 大夫以下成羣立社曰置社大夫不得特立社與民族 以自做戒屋之掩其上使不通天柴其下使不通地自 天子社稷皆太牢諸侯社稷皆少牢 天子社稷土檀方廣五丈諸侯半之 居百姓以上則共 國之社古者天子亦取亡國之社以分諸侯使為社 候為百姓立社曰國社諸侯之社曰 社今之里社是也 於中印集 侯 社

禮北面設主於門左樞户春為少陽其氣始出生養祀 五祀之别名門秋為少陰其氣收成祀之於門祀門之 諸侯為國立五祀之别名曰司命曰中當曰國門曰行 國門日泰属日户日電 天子為聲姓立七祀之別名曰司命曰中奮曰國行曰 有ケロガノ 之於户祀户之禮南面設主於門內之西行冬為太陰 大夫以下自立三祀之別名曰族属曰門曰行 曰公属

|威寒為水祀之於行在廟門外之西跋壞厚二尺廣五 於足可事全事 一 神在室祀中雷設主於牖下也五方正神之別名東方 設主於竈四也中雷李夏之月土氣始盛其祀中雷雷 祀之於竈祀竈之禮在廟門外之東先席於門與西東 其神玄冥中火之神其帝哉帝其神后土 融西方之神其帝少昊其神尊收北方之神其帝顓頊 之神其帝太昊其神勾芒南方之神其帝神農其神祝 尺輪四尺北面設主於政上被處題人為太陽其氣長養 於中郎集 +=

加肅 為土正天下賴其功克祠以為社凡樹社者欲令萬 柱及后稷能殖百穀以利天下故祠此三神以報其 畢星也其象在天能與雨明星神一日靈星其象在天 也 得說曰靈星火星也一 六神之別名風伯神箕星也其象在天能與風雨 漢書稱高帝五年初置靈官祠后土祠位在王地 盖共工氏之子勾龍也能平水土帝嗣 敬也各以其野所宜之木以名其社及其野位 日龍星火為天田属山氏之 頭之世舉以 師

春扈氏也是正趣民耕種與夏扈氏農正趣民芸除 加敬畏也先農神先農者盖神農之神神農作未報教 受霜露以達天地之氣樹之者尊而表之使人望見則 壇俱在未位土地廣博不可偏覆故封社稷露之者必 穀之長 也因以稷名其神也社稷二神功同故同室别 未地稷神蓋厲山氏之子柱也柱能殖百穀帝顓頊之 民耕農至少昊之世置九農之官如左 世舉以為田正天下賴其功周棄亦播殖百穀以稷五 於中郎集

灰 足 日 東 八 野

•

<u>+</u> i

揚盾常以歲竟十二月從百隸及童兇而時難以索官 兒於是命方相氏黃金四目家以熊皮玄衣朱裳執戈 者居若水是為魍魎其一者居人官室樞隅處善驚 有三子生而亡去為思其一者居江水是為瘟鬼其 畫為民驅鳥惜官處氏農正夜為民驅獸賣桑庭氏農 · 東尾氏農正掌除茅茨一日掌人百果 新行扈氏農正 正趣民養醬編老扈氏農正趣民收麥點疫神帝顓頊 秋扈氏農正趣民收敛騙冬扈氏農正趣民盖藏霸 1:11

鬱壘二神居其門主閱領諸思其惡害之鬼執以葦索 **壘并懸葦索於門户以禦凶也** 食虎故十二月歲竟常以先臘之夜逐除之也乃畫茶 執之僧牙虎神茶鬱壘二神海中有度朔之山上有桃 洒之以除疾殃已而立桃人葦索儋牙虎神茶鬱壘以 中酸疫鬼也桃孤棘矢土鼓鼓且射之以赤丸五穀播 蟠屈三千里甲枝東北有思門萬思所出入也神茶與 稱臘之別名夏曰嘉平殷曰清祀周曰大蜡漢曰 於戶下東

**売** 雕 銀定四庫全書 堅昆蟲毋作豐年若上歲取千百 祭之也大同小異為位相對 臘 五帝雕祖之别名青帝 天子大蜡八神之别名蜡之言索也祭日索此八 祖 項黒 水帝帝赤 中期黄帝以辰 職未祖 中火行白帝以丑 雕酉印 行白帝以 司嗇 ハ 未 酉 向祝日土反其宅水歸 雕 14 后黄祖 土帝 吴白 gp 祖 農 土軒金帝史青 行轅行少 大赤帝以戊 黒帝以 辰 神 臘 其 而

定國則犯能禦大灾則犯能捍大患則犯 坊 郡表啜 六號之別名神號尊其名更為美稱若日皇天上帝 五祀之别名 くこうこ 元大武羊曰柔毛之屬也群號泰曰辦合梁曰香 就若曰皇祖伯甚孤就若曰后土地祗也性號牛 也幣號玉曰嘉玉幣曰量幣 五義法施於民則祀以死 猫虎 水庸 衣猫 於中郎集 迎 食 其 田 胤 神 而虎 歷也 祭食 昆 勤 蟲 事則祀以勞 五

视 太祝掌六祝之解順 日香其稻日嘉疏鹽日鹹鹾玉日嘉玉幣日量 百商祭鮮魚口與祭水日清滌 祭號独物異於人者所以尊鬼神也脯曰尹祭豪魚 随羊日柔毛雞日翰音犬日美獻 雄日疏 祭宗廟禮姓之别名牛曰一元大武豕曰剛覧 腷 羘 也化祝弭灾兵也瑞 祝 願豐年也 祝逆時雨寧風旱也祭祝 酒日清酌泰日鄉合梁 年祝求永真也告祝 趾兔日 幣 豚 明

**到灾匹庫在書** 

してこうえ べたう 見宗祀文王之所歌也維天之命一章八句告太平於 也時邁一章十五句巡守告祭柴望之所歌也執競 天地之所歌也我將一章十句祀丈王於明堂之所 七句祀先王公之所歌也昊天有成命一章七句郊祀 文王之所歌也維清一章五句奏象武之所歌也烈文 宗廟所歌詩之別名清廟一章八句洛邑既成諸侯朝 一章十三句成王執政諸侯助祭之所歌也天作! 罪病也 松中郎焦 十六 章

章十四句祀武王之所歌也思文一章八句祀后稷配 金女匹库在書 諸侯始見於武王廟之所歌也有客一章十三句微子 也雍一章十六句稀太祖之所歌也載見一章十四句 而奏之所歌也潛一章六句季冬薦魚春獻鮪之所歌 烝嘗秋冬之所歌 也有瞽一章十三句始作樂合諸樂 歌也噫嘻一章八句春夏祈穀於上帝之所歌也振點 天之所歌也臣工一章十句諸侯助祭遣之於廟之所 一章八句二王之後來助祭之所歌也豐年一章七句

王謀政於廟之所歌也敬之一章十二句羣臣進戒嗣 王之所歌也小煲一章八句嗣王求忠臣肋已之所歌 之喪將始執政朝於廟之所歌也訪落一章十二句成 代之樂之所歌也関子小子一章十一句成王除武王 來見祖廟之所歌也武一章七句奏大武周武所定一 實戶之所歌也酌一章九句告成大武言能酌先祖之 也載芝一章三十一句春耤田祈社稷之所歌也良 ,章二十三句秋報社稷之所歌也絲衣一章九句繹

天三日 巨三

一般中郎集

ナと

地方五十里男者任也立功業以化民其地方五十 地方百里侯者候也候逆順也其地方百里伯者白也 明白於德其地方七十里子者滋也奉天工之思德其 七句巡狩祀四嶽河海之所歌也右詩三十一章皆天 道以養天下之所歌也相一章九句師祭講武類碼 金少世屋有意 五等爵之别名三公者天子之相相助也助理天下其 子之禮樂也 歌也賽一章六句大封於廟賜有徳之所歌也般一章

次諸卿 或日列侯也朝侯諸侯有功德者天子特命為朝侯 侯犀臣典姓有功封者稱曰徹侯避武帝諱改曰通 諸侯大小之差諸侯王皇子封為王者稱曰諸侯王徹 守者秦制也秦魚天下置三川守伊河洛也漢改日河 王者耕耤田之别名天子三推三公五推 南守武帝會曰太守世祖都洛陽改曰正 周 制 卿 諸侯九

次足口事人与

蔡中郎禁

四時也 亦如上 渡周日大武天子八佾八八六十四人八者象八 以風化天下也公之樂六佾象六律也侯之樂四佾象 五英光日咸池舜曰大部 五帝三代樂之别名黄帝曰雲門顓頊曰六茲帝譽曰 謂流水四面如壁以節觀者諸侯曰類宫類言半也義 金万世屋と言 三代學校之別名夏曰校殷曰序周曰庠天子曰辟雍 ð 日大招夏日大夏殷日大 風所

**欧定四草全彗** 祭神明和而歌之以管為樂之聲東方曰韩南方曰任 四夷樂之別名王者必作四夷之樂以定天下之歡心 **皋陶作士夏曰玓臺周曰图圖漢曰獄** 朝士卿朝之法左九棘孤卿大夫位也奉臣在其後 西方口休離 四代獄之別名唐虞曰士官史記曰皋陶為理尚書 州長衆庶在其後 九棘公侯伯子男位也晕吏在其後三槐三公之位 一作北方曰禁 蔡中郎集 肤 作 九

繼之土生金故夏禹氏以金德繼之金生水故殷湯氏 響氏沒帝尭氏以火徳 繼之火生土故帝舜氏以土徳 易曰帝出乎震震者木也言處議氏始以木德王天 水生木故顓頊氏沒帝嚳氏以木徳繼之木生火故帝 以金德繼之金生水故少昊氏沒顓頊氏以水德繼 也木生火故處議氏沒神農氏以火德繼之火生土故 神農氏没黄帝以土德 繼之土生金故黄帝沒少昊氏 水德繼之水生木故周武以木德繼之木生火故髙 2

高祖為漢 金天氏顓頊為高陽氏帝響為高辛氏帝尭為陶唐氏帝 武王為周 舜為有虞氏夏禹為夏后氏湯為殷商氏 伏儀為太昊氏炎帝為神農氏黃 祖以火徳繼之 十二年 Š 13 帝為軒轅氏少昊為 Ŧ.

二生十生二衛十生五十成六九十太三胎十六帝年帝五子年帝四 生十五年 凹 五年孫後 恵 立弟 尭

聖公 たこうをいう 武二段年之光 生十二年明帝 工 明 中 之 年 聖十公殺年 林篡 和三帝年 年王 殦 之劉 為後 立 弟 蔡中郎集 三十

皆幼順烈梁后攝政桓帝前令上即位桓思實后攝政 帝崩安帝幼和意鄧皇后攝政孝順崩冲帝質帝桓帝 たといれていたり 帝崩平帝幼孝元王皇后以太皇太后攝政和帝崩殤 **券不入數 髙帝以甲午歳即位以乙未為元** 皇太后詔不言制漢與惠帝崩少帝弘立太后攝政哀 我號好如帝之稱秦漢以來少帝即位后代而攝政稱 帝嫡妃曰皇后帝母曰皇太后帝祖母曰太皇太后其 十六年役髙祖乙未至今壬子崴四百一十年吕后王 茶中即集 Ì

|   |                          |      |       | -47  |          |          |                 |                       | =      |
|---|--------------------------|------|-------|--|----------|----------|-----------------|-----------------------|--------|
| 1 |                          | 高祖帝惠 |       |  |          | 냰~       | 事               | 后扭                    | 金少日方台里 |
|   |                          | 帝惠   |       |  |          | せニ       | 上書              | 卿政                    | PE     |
|   |                          | 帝文   |       |  |          | 世三       |                 | 則                     | 13     |
|   | 定長王沙                     | 帝景   |       | -  |          | 世四       | 事上書皆為两通一請太后一請少帝 | 后攝政則后能前殿朝羣臣后東面少帝西面羣臣奏 | male   |
|   | 節春陵                      | 帝武   |       |  |          | 世五       |                 |                       |        |
|   | 太帮                       | 帝昭   | 子庆太   |  |          | 世六       |                 |                       |        |
|   | 定王 節便太守都尉令長沙 春陵 都林 鉅鹿 南顿 |      | 子 孫 宝 |  |          | せと       |                 |                       | K      |
|   | I ₹Я                     |      | 帝宣    |  |          | 世八       |                 |                       | -      |
|   | 武光                       |      | 帝元    |  |          | 世九       |                 | 后                     |        |
|   | 帝明                       |      | 帝成    | 共定王陶   | 孝山       | 世十       |                 | 東                     |        |
| ł | 帝帝和帝殇                    |      |       | 帝哀   | 帝平       |          | 少立              | 面山                    |        |
| I | 帝和                       |      |       |  |          | 世十二      | 作               | 帝                     |        |
| I | 市殤                       |      |       |  |          | 世士       |                 | 西                     |        |
| ı |                          |      |       |  |          | 世十四      |                 | 画                     | -      |
| 1 |                          |      |       | <del>                                     </del> | <u> </u> | 世士五      |                 | 早日                    |        |
|   |                          |      |       | <u> </u>   |          | 世世世世世世世世 |                 | 奏                     |        |
| 1 | L                        | -    |       |  |          | 1        |                 | 4                     |        |

七世光武雖在十二於父子之次於成帝為兄弟於哀 皇孫之子於昭帝為兄孫以係祖不得為與父齊故為 **夕里日早八日** 帝兄弟也故不為惠帝後而為第二宣帝後次昭帝史 文帝雖在第三禮兄弟不相為後文帝即高祖子於惠 张中郎集 孝清 王河 帝安 千東 祭安 勃海 河門義吾 贞王 夷王 孝王 孝王|侯異| 帝 侯敦 解特本解情事 聖 隻 帝順 桓 市 帝質

|昌謂光武也十世以光為孝明也十一以與謂孝章也 宗廟之制古學以為人君之居前有朝後有寢終則前 侯之宫頌曰寢廟奕奕言相連也是皆其文也古不墓 制廟以象朝後制寢以象寢廟以蔵主列昭穆寢有衣 成雖在九哀雖在十平雖在十一不稱次 光武為父故上繼元帝而為九世故河圖曰赤九世會 帝為諸父於平帝為父祖皆不可為之後上至元帝於 **兔几杖象生之具總謂之官月令曰先薦寢廟詩云公** 

金いくせんとう

餘惠景以下皆毀五年而稱殷祭猶古之禘給也殷祭 處正罷遊衣冠毀先帝親盡之廟高帝為太祖孝文為 則及諸蝗廟非殷祭則祖宗而己光武中與都洛陽 太宗孝武為世宗孝宣為中宗祖宗廟皆世世奉祠 选毀之禮元帝時丞相匡衡御史大夫貢禹乃以經義 一時萬帝以下每帝各別立廟月備法駕遊衣冠又未定 稱寢殿有起居衣冠泉生之備皆古寢之意也居西都

祭至秦始皇出寢起居於墓側漢因而不改故今陵上!

皆以未踰年而崩不列於宗廟四時就陵上祭寢而 安日恭宗孝順日敬宗孝桓日威宗惟殇中質三少帝 崩遗治遵儉母起寢廟藏主於世祖廟孝章不敢違是 瘦廟孝明曰顧宗孝章曰肅宗是後踵前孝和曰穆宗孝 後導承藏主於世祖廟皆為孝明之禮而園陵皆自起 光武舉天下以再受命復漢祚更起廟稱世祖孝明臨 於光武為編故雖非宗而不毀也後嗣遵承遂常奉祀 合高祖以下至平帝為 一廟藏十一帝主於其中元帝

都灾四库全書

ころううと 帝先后有瓜葛者及諸侯王大夫郡國計吏匈奴朝者 皆當軒下占其郡穀價四方灾異皆欲使先帝魂神 以次周偏公卿百官皆從四姓小侯諸侯冢婦凡與先 飯大官送用園令食監典省其親陵所官人隨鼓漏 西國侍子皆會官屬陛西除下先帝神座後大夫計吏 **今洛陽諸陵皆以晦望二十四氣伏社臘及四時曰上** 枕具盥水陳嚴具天子以正月五日畢供後上原陵 於親陵各賜計吏而遣之正月上丁祠南郊 1.1. 終戶下書 理

祖宗後嗣因承遂不毀也 東廟七主光武明帝章帝和帝安帝順帝桓帝也光武 光武復天下屬第於元帝為子以元帝為禰廟故列於 武帝為世宗宣帝為中宗其廟皆不毀孝元功薄當毀 高帝文帝武帝宣帝元帝也高帝為高祖文帝為太宗 畢次北郊明堂高祖廟世祖廟謂之五供五供畢以次 上陵也四時宗廟用牲十八太牢皆有副倅西廟五主 為世祖明帝為顯宗章帝為肅宗和帝為穆宗安帝

多定匹库全書

漢家不言禘袷五年而再殷祭則西廟惠帝景昭皆别 貴人日恭懷后望西陵和帝母也安帝張貴人日恭敏 望北陵安帝祖母也清河孝德皇后安帝母也章帝梁 たこうえいか 两廟十二主三少帝三后故用十八太牢也 后望北陵順帝母也 質帝静陵是也追號為后者三章帝宋貴人日敬隱后 而削皆不入廟以陵寢為廟者三殤帝康陵冲帝懷陵 恭宗順帝為敬宗桓帝為威宗廟皆不毀少帝未踰年 於中部焦 1.4.1.

鉅應都尉日皇祖魯祖鬱林太守日皇曾祖高祖泰陵 但起園陵長承奉守不敢加尊號於祖父也光武艇孝 史皇孫祖父日衛太子太子以罪廢及皇孫皆死宣帝 號日太上皇不言帝非天子 也孝宣継孝的帝其父日 元亦不敢加尊號於父祖也世祖父南頓君曰皇者祖 祠於東廟京兆尹侍祠衣冠車服如太常祠行陵廟之 · 利成哀平三帝以非光武所後藏主長安故高廟 順帝母故云姓李成姓張萬祖得天下而父在上尊 四 時

金分四月在書

とこうういき 帝尊父為太上皇之義追號父清河王日孝徳皇順帝 崩無子今上即位追尊父解犢侯曰孝仁皇母董夫 崇后祖父河間孝王曰孝穆皇祖母妃曰孝穆后桓帝 后父大将軍梁冀未得尊其父而崩桓帝以蠡吾侯子 崩冲帝無子弟立樂安王子是為質帝帝信於順烈祭 崩無子弟安帝以和帝兄子從清河王子即尊號依高 即尊位追尊父蠡吾先侯曰孝崇皇母匡太夫人曰孝 蘇中郎集 产七

節便曰皇高祖起陵廟置章陵以奉祠之而已至殇帝

受茅土漢與以皇子封為王者得茅土其地功臣及 社也 五以所封之方色東方受青南方受赤他如其方色直 金好四月月書 亭他姓公侯各以其户數租入為限不受等土亦不立 以白茅授之各以其所封方之色歸國以 天子大社以五色土為壇皇子封為王者受天子之社 日孝仁后祖父河問敬王日孝元皇祖母夏妃日孝元 冬 立社故 調 鄉

卿 朝廷所異者賜位特進位在三公下其次朝侯位次九 倭後避武帝諱改曰通倭法律家皆曰列侯功德優威 子弟封為便者謂之諸侯羣臣異姓有功封者謂之徹 漢制皇子封為王者其實古諸侯也周末諸侯或稱王 在京者亦隨時見會謂之根朝侯也 祠 而漢天子自以皇帝為稱故以王號加之總名諸倭王 無朝位次小國侯以肺腑宿衛親公主子孫奉墳墓 下皆平冕文衣侍祠郊廟稱侍祠侯其次下士但侍 **从中部禁** 天

朝後又以盛暑省六月朝故今獨以為正月十月朔朝 冬至陽氣始起麋鹿解角故寢兵鼓身欲寧志欲静不 正月朝賀三公奉壁上殿向御座北面太常賛曰皇帝 舻 i 行校獵還公卿以下陳洛陽都亭前街上乘興到 則下惟此時施 君與三公伏皇帝坐乃進璧古語曰御坐則起此之 下拜天子下車公卿親識顏色然後還宫古語曰在 也舊儀三公以下月朝後省常以六月朔十月朔 行 公 旦

**鋭定四庫全書** 注名曰甘泉鹵簿中與以來希用之先帝時時備大 駕則公卿奉引大將軍參東大僕御屬車八十一乗備 天子出車駕火節謂之鹵簿有大駕有小駕有法駕 為盡鼓鳴則起畫漏盡鐘鳴則息也 賀夏至陰氣起君道衰故不賀鼓以動衆鐘以止衆夜 聴事送迎五日臘者歲終大於縱吏民宴飲非迎氣故 但送不迎正月歲首亦如臘儀冬至陽氣起君道長故 **千來萬騎在長安時出祠天於甘泉備之百官有其儀** K中部 集 二九

各一皆駕四馬是為五時副車俗人名之曰五帝車 法駕上所乗曰金根車駕六馬有五色安車五色立 又省於小駕直事尚書一人從令以下皆先行 史主者郎令史皆執注以督整諸軍車騎春秋上陵令 薄中惟河南尹執金吾洛陽令奉引侍中冬乗奉車郎 上原陵他不常用惟遭大喪乃施之法駕公卿不在鹵 用之每出太僕奉駕上鹵簿於尚書侍中中常侍侍 争 屬車四十六東北郊明堂則省諸副車小駕祠宗廟 車

鞍副牽 馬冠也高廣各四寸如玉華形在馬錢前方免者鐵廣 黄屋者盖以黄為裏也 凡東與車皆羽盖金華瓜哉屋左纛金錢方戲繁總重 左纛者以氂為之大如斗在最後左騑馬鍍上金銭者 日皇孫車天子孫 乗之以從 耕耤田東之又有蹋猪車慢輪有畫田獵東之綠車名 也又有戎立車以征伐三盖車名耕根車一名芝車親

灭足四百七号

蔡中郎集

主

黄纸黄門鼓車古者諸侯貳車九乘秦滅六國兼其車 形如緑亞飛幹以緑油廣八寸長注地左畫蒼龍右白 前驅有九存雲军關戟皮 軒鑾旗車皆大夫載鑾旗者 帮者是也 數寸在鍍後有三孔揮翟尾其中繁纓在馬膺前如索 分グロ屋 虎繋軸頭今二千石亦然 但無畫爾 重穀者穀外復有一穀施牽其外乃復設牽施銅金 羽毛引繁植旁俗人名之曰雞翹車非也後有金 A THINK

廣八寸長尺二寸加爵見其上周黑而亦如爵頭之色 冕冠周曰爵弁殷曰 罕夏曰收皆以三十升涨布為殼 龜形上但以青絲為盖羽毛無後户 懸豹尾以前皆皮軒虎皮為之也 服故大駕屬車八十 金根箱輪皆以金轉正黄两臂前後刻金以作龍虎鳥 永安七年建金根耕根諸御車皆一 小後大段黑而微白前大後小夏純黑而赤前小 東 也尚書御史東之最後 **棘或四馬或六馬** 車

**炎足日東公司** 

私中即集

泽二

繁白珠玉於其端是為十二旅組纓如其綬之色三公 梳公侯大夫各有差别漢與至孝明帝永平二年 韶有 服之冕冠垂旒周禮天子冕前後垂延朱綠藻有十二 尺二寸前圓後方朱綠裏而左上前垂四寸後垂三寸 司採尚書皐陶篇及周官禮記定而制馬皆廣七寸長 日麻見禮也令也純儉漢雲翹冠樂祠天地五郊舞者 大皆有收以持笄詩曰常服黼厚禮朱干玉戚冕而舞 大武周書曰王與大夫盡升古皆以布中古以緣孔子

金ラロブ

冠平晃 地 火足马氧全島 服周之冕鄙人不識謂之平天冠 皆有前無後組纓各視其經之色旁垂難礦當耳郊天 三梁即大夫尚書二千石博士冠两梁千石六百石以 天子冠通天冠諸侯王冠遠遊冠公侯冠進賢冠公 及諸侯之祠者朱緑九旒青玉珠卿大夫七旒黑玉珠 下至小吏冠 祠宗廟祀明堂則冠之衣糊衣玉佩履約履孔子曰 **兴天子公卿特進朝侯祀天地** 蔡中即集 루---明堂皆

情者古之甲賤執事不冠者之 佇 肵 玄其武官太尉以下及侍中常侍皆冠惠丈冠侍中 色衣女上纁下日 天子十二旒三公九諸 冠亦為冕車駕出後有巧士 冠其冠似高山冠而 郊 冠委貌衣玄端執事者皮弁服官門 加 貂 社祝舞者冠建華其狀如婦人樓簏迎氣五郊 雌御史冠法冠 月 星辰山龍華蟲祠宗廟則長冠 謁者冠高山冠其鄉射行 侯 卿七其艘與組各 沂 服也孝武帝幸館 僕射冠却 如其綬 舜 禮 非 常 裼

金りせた

巷一

少七四軍全書 所服展箭無山禮無文萬山冠齊冠也一 通天冠天子常服漢服受之秦禮無文遠遊冠諸侯 **慣而已王莽無髮乃施巾故語曰王莽禿憤拖屋冠進賢** 者宜長爾冠惠大者宜短爾各隨所宜 髮不欲使人見始進情服之羣臣皆隨馬然尚無巾如今半 上两書日執事者皆赤情知皆不冠者之服也元帝額有肚 公主家召見董偃偃傅青禱綠情主賛曰主家店人臣偃昧 死再拜謁上為之起乃賜衣冠引上殿董仲舒武帝時人其 蔡中郎集 曰側注髙

無文 法冠楚冠也一日柱後惠文冠髙五寸以繼裹鐵柱卷 進賢冠文官服之前髙七寸後三寸長八寸公侯三梁 服之禮無丈太傅胡公說曰高山冠盖齊王冠也春滅 卿 以其君冠賜謁者 鐵為卷梁不展第無山泰制行人使官所冠今謁者 大夫尚書博士两梁千石六百石以下 執法服之今御史廷尉監平服之謂之解多冠

繁冠今謂之大冠武官服之侍中中常侍加黄金附 蟬 蟬之飾秦滅趙以其君冠賜侍中齊冠或曰長冠竹裏 知南冠盖楚之冠泰滅楚以其君冠賜御史武冠或曰 說日左氏傳有南冠而繁者國語日南冠以如夏姬是 纜高七寸廣三寸形制如板高祖冠以竹皮為之 鼠尾師之太傅胡公說曰趙武靈王效胡服始施 劉氏冠楚制禮無文鄙人 不識謂之鵲尾 冠 調

多獸名盖一

一角今冠两角以獬豸為名非也太傳胡

**圖以為此制是也天地五郊明堂月令舞者服之** 巧士冠高五寸要後相通婦除從官服之禮無丈 用其說未聞 人服之衣冠各從其行之色如其方色而舞鳥 方山冠以五采穀為之漢祀宗廟大享ハ 建華冠以鐵為柱卷貫大珠九枚今以銅為珠形制 士冠前圓吳制選 返四重趙武靈王好服之今者不 麓記日知天文者服之左傳日鄭子臧好聚編冠前 **偷樂五行** 

欽定四庫全書


卷中內自

禮無丈 却 帝諡 惠文冠古者天子冠所加者其次在漢禮 珠弁爵唱收通天冠進賢冠長冠緇布冠委貌冠皮弁 出四寸司馬殿門大護衛士服 樊魯冠漢將軍樊 魯造火所冠以 敵 非冠宫門僕射者服之禮無文 冠前高四寸通長四寸後高三寸監門衛士服 各户事 項籍營廣七寸前 三十五

保民者艾曰明 溫柔聖善日懿 安仁立政日神 聲聞宣遠日胎 慈惠愛親日孝 仁聖威明曰舜 遠拂不成曰隱 大應慈民曰定 辟土有徳曰襄 克定禍亂曰武 殘人多壘曰祭 布綱治紀曰平 爱民好與曰惠 靖民則法曰黄 布德執義曰穆 知過能改曰恭 亂而不損日靈 殘義損善曰紂 貞心大度曰匡 聖善同文曰宣 **푍善傅聖曰尭** 不生其國曰聲 聰明睿智曰獻 仁義說民曰元

一 飯定匹庫全書

恭 中身早折日悼 與治 桑德好衆日靖 反こううへき 辟土無國日桓 壅遏不通曰 短折不成日殤 不敷曰 不懈口简 短折日哀 祈 2/2 去禮遠衆曰赐 在國逢難日愍 安樂治民曰康 凤與夜寐曰敬 經緯 暴虐無親曰厲 慈仁和民曰順 日 蔡中郎集 天地日文 致志大圖曰景 清白自守曰貞 執義揚善曰懷 名實過與日 怠政外交曰攜 好勇致力曰莊 心畏忌曰僖 三二 緣



致定四庫全書 其中即集卷三

集部

詳校官監察御史臣曹錫寶 檢討臣何思釣覆勘

校對官編修臣泰 泉 總校官編修臣王無緒 磨録監生臣朱 衣

9 4 則思神以者國之大事 執事宣王遭旱客勿私 泉而至霹靂數發殆 今所以教人 漢 祭邕 人也夫 撰 昭 事 刑

動法為 食人 為陳廢故皇天不悅顯此諸異洪範傳日政恃徳隱厥 氣五郊而車 偶稀出四時致殺屡委有司雖有解除, 先祀典天子聖躬所當恭事臣自在牢府及備朱衣迎 風發屋折木坤為地道易稱安貞陰川憤盛則當静反 相 迫兵事惡之鮮甲犯塞所從來遠今之出師未 · 貪物利民則蝗蟲損稼去六月二十八日太白 上遠天文下逆人事誠當博覽衆議從其安者臣 下叛夫權不在上則雹傷物政有苛暴則虎狼

くこうこ 它祀尊哉孝元皇帝策書曰禮之至敬莫重於祭所以 南郊蘇戒未當有廢至於它犯報與異議皇南郊平而 數以蕃國陳喪官內產生及吏卒小 汗屢生忌故寫見 辟靡示人禮化皆帝者之大業祖宗所祗奉也而有司 郊所以導致神氣祈福豐年清廟祭祀追往孝敬養老 不勝憤懑謹條宜所施行七事表左 事明堂月命天子以四立日及季夏之節迎五帝 心親奉以致肅祗者也又元和故事復申先典前 \:\ i 蘇中郎集 於

側室之 禁尼之書拘信小故以虧大典禮妻妾産者齊則不 故先帝雖有聖明之資而猶廣求得失又因灾異援 幽隱重賢良方正敦樸有道之選危言極諫不絕於 二事臣聞國之將與至言數聞內 東哉自今齊制宜如故典庶答風霆灾妖之異 士庶人數堵之室共處其中爾豈謂皇居之曠臣妾 門無廢祭之文也所謂宮中有產三月不祭者 知已政外見民情是

劉舜四庫在書

制書推心懇惻而近者以來更任太史忘禮敬之大

基二

結口英圖正解即中張文前獨盡在言理聽納受以責 徳 隱之言 欠三日三 八八百 忠審宣聲海內博開政路 立朝之士曾不以忠信見賞恒被誇訕之誅遂使奉下 三司臣子快然衆庶解悅臣愚以為宜擢文右職以勸 三事夫求賢之道未必一塗或以德顯或以言揚項者 於中郎集 Ξ

思省述修舊事使抱忠之臣展其狂直以解易傳政悖

陛下親政以來頻年灾異而未聞特舉博選之古誠當

枉之門養不斷之處者來讒邪之口今始聞善政旋復 [語言奏事是時奉公者欣然得志邪枉者憂悸失色 虔各有奉公疾 姦之心意等所糾其效尤 多餘皆 者也伏見幽州刺史楊憙益川刺史雁芝凉州刺史劉 四事夫司隷校尉諸州 能稱職或有抱罪懷瑕與下 公府臺閣亦復默然五年制書議遣八使又食三公 議所因愛息昔劉向奏曰夫執孤疑之 刺史所以督察姦在分别白黑 同疾綱網 弛縱莫相 計者開

金分四月五言

: : !!! 其能陛下即位之初先涉經術聽政餘日觀省篇章 得人數路而已夫書畫辭賦才之小者匡國理政未有 庶又有賢良文學之選於是名臣輩出文武並與漢 五事臣聞古者取士以使諸侯歲貢孝武之世即樂孝 管私之禍則衆灾之原庶可塞矣 忠清平章賞罰三公歲盡差其殿最使吏知奉公之福 游意當代博奕非以為教化取士之本而諸生說 ?: i 笑中吓去 聊

變易足令海內測度朝政宜追定八使斜舉非法更選

|天事墨級長吏職典理人皆當以惠利 孔子以為致遠則 事優大丈武之道所宜從之若乃小能小善雖有可觀 孝宣會諸儒於石渠章帝集學士於白虎通經釋義其 收改但守奉禄於義己弘不可復使理人及仕州 次錄第其未及者亦復隨輩皆見拜擢既加之思難 有類俳優或竊成文虚冒名氏臣每受的於威化 作者鼎沸其高者頗 泥君子固當志其大者 引經訓風喻之言下則連偶 為續日月為勞 俗 郡

一致灾匹库全書

卷十二十

骨肉既無幸私之恩又無禄仕之實惻隱思慕情何 臣受恩之重皆屈情從制不敢踰越今虚偽小人本非 皇帝制喪服三十六日雖繼體之君父子至親公卿 七事伏見前一切以宣陵孝子為太子舍人臣聞孝文 否無章先帝待與未當有此可皆斷絕以聚真偽 自當極其刑誅豈有伏罪懼考反求遷轉更相做效臧 褒責之科所宜分明而今在任無復能省及其還者多 召拜議郎郎中若器用優美不宜處之冗散如有爨故! <u>)</u> 蒙 中郎美 Ł

宜遣 選令德宣有但取丘墓山醮之人其為不祥莫與大馬 者亡在孝中本縣追捕乃伏其辜虚偽雜穢難以 **多定匹庫在書** 人自代亦家寵榮争訟怨恨洶洶道路太子官屬宜搜 又前至得 **机之人通容其中恒思皇后祖載之時東** 生而奉聚山陵假名稱孝行不掩心義無所依至有姦 師田里以 答 詔 問 拜後輩被遺或經年度次以暫歸 災異八 明 詐 事 祸 卷 鄥 見漏或 有盗 勝 言

天夫馬日彈議郎張華祭邕太史令單處請金商門 特古客問政事所變改施行務令分明賜等稱臣再 門劉寵魔訓北面賜南面日母華邕殿西面受站書各 侍育陽侯曹節冠軍侯王甫從東省出就都座東面 受詔書起就坐五人各一處給財用筆硯為對臣岂言 入崇德殿署門內南辟惟中為都座漏未盡三刻中常 通尺一木板草書兩常侍又諭古朝廷以災異憂懼

光和元年七月十日詔書尺一

**台光禄大夫楊賜諫議** 

**列巴司自公馬** 

蔡中郎集

潛潭巴曰紅出后妃陰脅主又曰五色貌出至昭於宫 對好者於天而降施於庭以臣所聞則 車盖降氣奮勢五色有體長十餘丈形狀似龍似 **諮問曰去月二十九日有黒氣墮溫徳殿東庭中黑如** 心處愚暗不足以答聖問情哀變易怔管怖悸謹列 今月十日部名金商門問臣邑灾異之意臣學識淺薄 一臣岂頓首頓首 不見尾足者不得勝龍易曰娘之凡無徳以色親 所謂天投红 虹 者 蛇

金分世月 白書

嚴守衛整威權權不假人則其所救也易傳曰陽感天 火足り長公島 聖意低回未知能是兵戎不息威權浸移忠言不聞則 獨有以色見進陵尊瑜制以招衆變若羣臣有所毀譽 政變不虚生古不虚言意者陛下閱機之內在席之上 見主惑於毀譽合誠圖曰天子外苦兵威內奪臣無忠 不旋日書曰惟辟作威惟辟作福臣或為之謂之凶害是 鲵所生也抑內寵任忠政決毀譽使貞雅各得其所 有兵革之事演孔圖曰說者斗之精氣也天度投號 於中郎集

皇之不極是謂不建則有下謀上之病孝成終和二年 收縛考問褒故公車卒病狂不自知入宫乃下獄死是 室解惟組佩之招前殿署王業等曰天帝命我居此業 姓名臣聞凡人為惟皆皇極道失下或謀上故其傳 上殿與中黄門桓賢語言相往來不得入遂亡去不知 八月男子王褒衣小冠帶劍入北司馬殿東門上殿 問曰正月三日有白衣入德陽殿門解稱伯夏教我 明主尤務馬

自父儿屋

All Pill

卷二

寫及陰太隆奉下並奏强威也建大中之道樂賢良 寵禄之則其故也經曰皇建其有極飲時五福用數錫 徳也潛潭巴曰有人走入宫不知其名大水為戒天子 之禍未至殿省而覺亡不久伏誅夫誠仰見上帝之厚 以罪受戮殘餘非天所祐以往 沉今將 枉校之人為王氏 殿裏與桓賢言伯夏即故大將軍梁商商子冀不疑等皆 時王莽為司馬遂為篡亂亦卒誅臣竊思之與綏和時 似而有異被服既不同未入雲龍門而稱伯夏教 而

17:11 12:1

英十印美

雞 后 是謂不肅時即有雞福孝宣黃龍元年未央宮幹幹中雌 詔 后至初元元年丞 頭尚未變臣聞凡 厥庶民惟時厥庶民于汝 父禁為 攝 化為雄不鳴無 問 政王恭以后兄子為大司馬由是為 日南宫侍中寺聞 平陽侯而后正位王氏之 雞為 距是時元帝 相史家雌雞 佐皆貌之失也傳曰貌之 雌 雞欲 極錫 化為 初 化為雄 汝 即 保 電 雄 位 極 將立 尾身毛已 始盛哀帝晏駕 距 亂昔武王 而鳴是歲封 妃王氏為 不恭 112 雄

動定

匹库全書

基十二

2. 7 ... ... 問其故是將有其事而不遂成之象也若應之不精政 元首人君之象今難身已變未至於頭而聖主知之 乃陰陽易體名實變改此誠大異臣竊以意推之頭為 雞雄鳴主不榮夫牝雞但雄鳴尚有索家不祭之名況 女御與政之原則其敦也夫以匹夫顏氏之子有過未 紂 所改頭冠或成即為惠灾散慎威儀動作之容斷 不知知之未常復行易曰不遠復無祗悔元吉 日牝雞之晨惟家之索易傳曰婦人專政國不静牝 家户事表

太白當畫而見是陰陽争 畫而見臣間熒惑 示變主當精明其徳而有休慶之色 河流湍溢明 詔 甸於供御則其救 食思亂則風貌失則 疾癘流行迅 問星辰錯謬臣竊見熒感變色入太微西門太白正 問曰即称以來災青屢見頻歲月蝕地 風折 君 正上下抑陰等陽修五事於聖躬致畿 the state of 樹 雨 河 視間則疾痛流行水不潤 洛威溢臣聞陽勝 明強 國弱弱國強皆有失 動 則震陰勝 風水 則 剅

防萌则其牧也昔宋景公小國諸侯三有德言而熒惑 謹禮事治兵政審察中外之言申明守禦之令以杜漸 屈省别藏以贍國用則其救也易曰得臣無家言有 出息不急之作省役賦之費進清仁縣食屋分損內 蟲水河圖私後篇曰帝貪則政暴吏酷則誅深而蝗蟲 韶問蝗蟲冬出臣聞易傳曰大作不時天降灾厥咎蝗 為之退倉 又失道而見是為蘇長侯王不榮熒惑主禮太白主兵

改定四重全書 一

蘇中即張

|韶問平城門及武庫屋各損壞臣愚以為平城門向 之斯率由舊章以變柱泥棄法之各則其我也洪範傳 顯位者點之以尊上整下去暴悸之愆 強凌主易傳曰 家之本兵也變此二處異於凡屋易傳曰小人在位 之門郊祀法駕所從出門之正者也武庫禁兵所藏 下者何私家之有 下咸悖其妖城門內將崩潛潭巴曰出宫瓦自隳諸 柱泥故法棄其咎宮室順把小 抑諸侯強凌 國 在 侯

用彰於一 國莫肯建忠規關以邕博學深與退食在公故特容問 愚怯所能堪副亦臣輸寫肝膽出命之 悼變異徳音懇誠褒臣博學深與退食在公非臣螻 分别皂囊封上勿漏所聞臣邕伏惟陛下聖徳允明 宜披演所懷指陳政要所先後勿有依違顧忌以經 日六冷作見岩時其禦帝用不羞神則不怒五福乃降 問朝廷焦心聞災恐懼每訪摩公卿士皆各括囊迷 秋豈可顧患 祈

一 東定四車全書

\_

蘇中郎集

當責讓因以感覺則危 人干政之所致 年無有日蝕 移豈有譴告哉春秋魯定哀公之時周 應皆亡國之恠也天於大漢殷勤不已故屢出妖變以 害復使陛下不聞至戒哉臣邑頓首死罪伏思諸異 至 他所遠 切矣陛下幸 則 此人為天所棄故也至於今者灾青之 也 垣近 即 問臣敢 在署寺欲使陛 以來官中無他逸寵而乳母趙 可為安山可作吉假使大運 不盡情以對 下豁 **晚** 塩雞化皆 徳已絕故 然大悟 數 各

者不治無以正遠傾邪在官當有創懲光禄勲掌璋所 人民の同心事 題為玉所進暗昧已成非外臣所能審處如誠有之近 **說集庭雌雞變化豈不謂是今者道路紛紛復云有程** 惟趙霍以為至戒今聖意勤勤思明邪正而聞大尉張 大人者察其風聲將為國患宜高其隄防明其禁令 姓贵重赫赫生則皆富体於 務 死則丘墓踰越園陵 两于受封兄弟典郡續以永樂門史霍玉依阻城社大 奸禍盗寵竊權藏晦感之罪事必漬浸然後成形 蔡中郎集 深

數見訪問夫宰相大臣者與朝廷同其休戚顧或小 福敦重統厚國之老成光禄大夫橋立聰達方直有 前之姿故大尉劉龍忠實守固惟個剛正並宜為謀 摩臣引退以解易傅所載小人在位之咎伏見廷尉 尉盖升其贵已足其富已優當以見災之故為陛下 尤貪獨九列之中豈宜有此收守數十選代既不盡 正點邪不得但以州郡無課而已長水校尉趙玹屯騎校 本朝反有異輩無以示四方聖意勤勤欲清流湯濁扶 黄分四屋人 由 郭

且消息以示憂懼詩云畏天之怒不敢戲豫天戒誠不可 舉用請託之門違明王之典衆心不厭莫之敢言臣願陛 以辟召不慎切责三公乃並以書疏小文一介之技超取選 戲也宰府孝庶士之高選但當察其真偽以加點陟近者每 納小吏雕琢大臣也又尚方工技之作洪都篇賦之文宜 在位懷襲憂謗如有設施動多牽制是宜引為君之 小加大引在六逆陛階增則堂髙輔位重則上尊不宜聽 四體委任責成優劣已分春秋之義以貴治賤遠問親

とこう えんか

蔡中郎集

ナニ

臣聞國家置官以職建名臣愚淺小才竊假階級官以 福諸侯凌主之戒不可不察也臣岂愚態感激忘身敢觸 臣安敢漏所問願寢臣表無使盡忠之吏受怨姦仇 忌諱手書具對夫君臣不密上有漏言之成下有失身之禍 自抑損天道虧滿思神福識久萬不危常滿不益羣公之 嘉應聖朝既自約厲以身率人左右近臣亦宜戮力從化 下聴納忠言忍而絕之側身踊躍思惟萬幾以答天望以導 **幽冀刺史久闕疏** 

金分四月分言

元流離溝壑寇賊輩起莫能禁討長吏寒心朝不守 弓兵散亡幾盡生民之本守禦之備 無 烏桓校尉夏育出征鮮果無功而還士馬死傷者萬數 悸怛惕臣邕頓首死罪伏見幽州変騎冀州強弩為天 州也頃者以來連年體荒穀價一斛至六七百錢故護 下精兵國家瞻使四方有事軍師奮攻未常不辨於 有他方之急則役之不可驅使自為寇虜則誅之 六八月 可恃百姓元 r

|議為名職以郎為貴智淺謀漏無所獻替夙夜寤 嘆憂

時孫人韓安國坐事被刑起徒中為內史武帝惠東越 任之人豈不戒懼而常坐設三互自生留関那昔孝景 愚以為三五之禁禁之薄者以陛下威靈申明禁今在 除記書治嚴不過五日今者刺史浹旬不决 誠非其 疑遅淹两州空懸萬里蕭條無所管繁每冀州長吏初 定臣惟問其故云避三五十一州有禁當取二州而 二州之中少素有威名之士或拘限歲年不應選用狐 擒制豈非可憂之難三府選此其二州刺史踰月不

銀定匹庫全書

卷 中 日 打

禁 帝不誤已然之事三公明知二州之要尤宜揀選當越 徒 兆 見日月拘思選既務帶又未必審得其人則二部蠢 :: ]!! 三互拘官簿失救時之便耶卒獲其用遺芳不滅此先 ( 隸買臣郡民皆還治其國張敞亡命 擢授冀州豈顧 為憂念願陛下上 尹張敞有罪逃命上使使就家名為冀州刺史安 取能以救時弊而不顧争臣之義尚避輕微之科 則先帝用三臣之法蠲除近禁其 祭户 下集 5 蠢 國

數反拜待的會稽朱買臣宣帝時患真州有盜賊故京

與育并力記書遂用為破鮮甲中郎將使匈奴中郎 **縷瞽言惟陛下留** 諸 銀定匹庫全書 用尚書行賄通謀中常侍王甫求為将甫建議當出 以來三十餘發請後幽州諸郡兵出塞擊之 嘉平六年夏馥烏桓校尉育上言鮮甲仍把諸郡自春 埽滅時故護羌校尉田晏以他論刑被原私雷京 州刺史羯用可換者無拘日月三互以差厥中臣縷 難夏育上言解甲仍犯諸 神再省三省 郡 一冬春 師 師

以來匈奴常為邊害而未聞鮮甲之事昔謀臣竭精武 便召公卿百官會議中郎蔡邕以為書戒猾夏易伐思 南單于以下與育晏三道並出時朝廷大臣多以為 稷之臣永人之軍也孝武皇帝因文景之蓄用度饒 大戮力而所見常異其設不戰之計守禦之固者皆社 異勢有可否故謀有得失事有成敗不可齊也自漢與 瀚海寶憲燕然之事征討之作所由尚矣然而時有同 方周宣王命南仲吉甫攘獨仇威蠻荆漢有衛霍閥 林中郎集

空竭官民俱匱乃與鹽鐵 有 相為富民侯故主父偃日夫務戰勝窮武事未有不 之使奮鈇鉞而並出然後懂得寧息既而覺悟乃封 南代越北代胡西征大宛東并朝 者也夫世宗神武将卒良猛財賦充實所拓廣遠 悔 不堪命及盗賊犀起關東紛然道路不通繡衣直 沉無彼時地利人財之備 種衆新盛自 鈳 奴 北遍以來據其故地 酷權之利設告縣重稅之 而欲輕 鮮兵出數 十年帑 動 此其不 稱 可 令 悔 指 揂 擜

銀定匹库全書

基二

12:17:2 1.La 移於四方不能還其骸骨以此時與議横發一發不已必 得中休轉運糧餉不可勝給天無豐歲官見殫財民人流 乃欲張設近期誘戲朝廷三年不成必迫於害禍結兵連不 勝以克育晏策處未能過頻鮮早種衆又不弱於西羌也 良將習兵善戰有事西羌猶十餘年今有晏欲以三年之期專 出者莫察漢人逋逃為其謀主兵利馬疾過於匈奴昔段頗 至再三諸夏之内弱者伏尸強者作寇邊郵之患手足 萬彌地千里意智益生才力勁健加以禁網漏洩善金良戲 林中邮集

甚是其不可三也天設山河泰築長城漢起塞垣所 高祖乃忍平城之恥呂后甘棄嫚書之話於是何者 草類抵冒心不愛仁膽不畏成而可使斷無盜竊意 民日月有之冠带之圻吏調政宏猶不能絕況此醜唐 自春以來三十餘癸方今郡縣盜賊刼標 内外異殊俗也其外則介之夷秋其內則任之良吏 嗣逆某慎奉所遇的無感國内海之患豈與蟲螘 疥瘗也中國之困胸背之瘭疽也其不可二也育 八財政犯官

多分四月月

戰所獲不如所失昔淮南王安諫伐越曰天子之兵有 大己りした 與之卒有一不備而歸者雖得越王之首猶為大漢之 征無戰言其莫敢校也使越人蒙死徼幸以逆執事厮 聖人不任朝議有嫌明主不行是其不可五也按育一 忽輕事之人專勝者未必 克挟疑者終必 敗衆所謂危 耕農得民不可冠帶破之不可珍盡而本朝以為之肝 食四海必為之焦枯其不可四也夫煎盡府谷之蓄以 虜校往來之數哉乃欲越幕踰城度塞出攻得地不可 蔡中邱集

所以發德音也夫邮民救患雖成郡列縣尚猶棄之況 治乃守邊之行李收開其原嚴尤申其要遺業猶在文 計今諸管甲士循行塞垣屯守街要以堅牢不動為 以鄣塞之外未嘗為人居者乎臣愚以為宜止征伐之 變憂萬人饑餓與蠻夷之不討何者為大宗廟之祭山 年不備沉避不遜之辱哉今關東大困無以相瞻又議動 羞威化不行則欲代之狐疑避難則守為長宜通乎時 兵非但勞人凶年隨之其罷椒有不可勝言者此先帝

金少四屋有電

てこうこ 議不足来臣邕頓首頓首 章具存循二子之策守先帝之規臣曰可矣臣邕愚慙 歌且舞臣等不勝踊 進 明思齊周成早知 惟陛下應天淑靈丁期中與誕在幻齡聖安碩義 備俯 御情結以章天休臣妾萬國遐邇大小同喜逸 始元服與羣臣上壽 仰龍光顔 **夙就泰美顯宗今月告日始** 如日星言稽典談動 祭中印集 躍見藻謹奉上醴 酒 蹈 九鐘稽首 規 † | 矩 加 緝 元

李收於前代孝宣忿好邪之不散樂張敞於亡命況在 士國家之元龜社稷之楨固也昔孝文個匈奴之事思 用賢臣為實衛多君子李礼知其不危由此言之忠臣賢 臣聞唐虞以師師咸熙周文以濟濟為寧區區之楚猶 寧惟永詩曰顒顒昂昂如廷如璋令聞不忘萬壽無疆 六合宜民宜人受禄於天書曰一人有慶兆民賴之 鱼灰匹库全書 再拜上千萬壽陛下享兹古福永守皇極通遵太和靖綏 **薦皇甫規** 

人こうらと言 以亡死論其武勞則漢室之干城課其文德則皇家 演化凶悍使為慰愿愛財省穑每有餘資養士御衆悅 事我狄猾夏進簡前熟連見委任仗節舉應威靈盛行 無照終撫究弱青充之郊屯用康又自是以來方外有 歸徳盜發東岳莫能撄討即起家拜為太山太守屠斬 然不污藏龍林藪之中以解徵名之寵先帝嘉之羣 少明經街道為儒宗修身力行忠亮聞者出處抱義皦 於當時強虚為罪而可遺棄臣伏見護羌校尉皇甫規 蔡中郎集 Ī

以哺之未見食嘘啼不能吞咽麥飯寒水間用之舅偃 臣前到官博問禄史孝行卓異者臣門下掾申屠負稱 號泣悲哀口乾氣少喘息緩屬舅偃哀其藏劣嚼棗內 孝子平丘程未年十四歲時祖父叔病殁未抱伏叔 罪當死惟陛下留神省察臣邕頓首頓首 列輛流汗墨不堪之責不勝區區執心所見超職瞽言 腹心誠宜武用以廣振醫西雕之美臣以愚頑忝污 為陳留太守上孝子 顧

金少四月月月

とこうらくら 發於自然非耳目聞見所做效也雖成人之年知禮 義之士恐不能及伏惟陛下體因心之德當中與之 寒水不食肥臟舅本以田作為事家無典學者其至行 問樂為吏否垂泣求去白歸喪所臣為設食但用麥飯 整不能至府各臣 軟核問樣史邑子殷威宿彦等解驗 皆合臣即名來見未年十四歲顏色瘦小應對甚詳 聞叔名目應以淚前太守文穆名署孝義重云以叔未 誘勸哽咽益甚是後精美異味遂不過口常在枢旁耳 林中郎集 <del>+</del>=

矅 龍況未禀純粹之 反哺 夷宫張仲孝友侯在 平之前胎驗已著 醇行感時而生美義因政而出清風奮揚 躬東萬袋建用皇極神 臣邕頓首 彌 託體太陽羔以跪 光其族益章臣不勝願會使未美昭顯本朝 精與立百行 臣誠 左 石周宣之與實始於此且鳥 乳為發國 伏見幸甚臣間魯侯能孝命 紀 賜於無方淑 之根源其人 卿禽鳥之微 暢冷於羣生 休後誕 隱瘁 揂 而 漫 アス

金分四月五書

臣謹按漢書高祖受命流離藏竄十有二年陛下應 泛太尉即侯卓收拾洗濯上臣高第補侍御史轉治書 中與龍飛踐作奸臣嬖孽一時珍盡怕疾臣者隨流 史陛下天地之大徳聽納大臣扶飾文樂逐用臣邕充 罪死罪 備機容三月之中充歷三臺光榮顯著非臣愚敬不才 所當盜竊非臣碎皆靡驅所能補報臣邑頓首頓首死 讓尚書乞在閒冗 臣聞世宗之時田千秋有神明感動 長甲甲基 一言

無顏以居無心以寧明時階級人所勸慕乞在他署抱 文書其猶面牆陛下統繼大業委政冢军太傅隗以舊臣 一跃定四庫全書 故 當自知況於論者將謂臣何是以風夜寤歎寐息屏營 守宣潘剖行數郡惟臣官位微賤特單輕匹此六臣臣 淺生非工女職不伊練 聖臨船發上心故有一日九遷臣邕草萊小臣思謀愚 録機密事尚書今日 彈先輩舊德位跡上公僕射允 司隸校尉河南尹尚書張惠已歷九列魯旭侍中 加以新來入朝不更郎署攝省

こうし 狀 喜懼精魄播起恍惚 **終符策假限食五百户歲五十萬穀臣稽首受諂怔營** 於進臣不勝 關執籥以守漏刻則臣之心厭 飫足矣降榮於悴退顯 制左中郎 取 析虚淺少寫方正長歷军 罪拍棄朔野衆思從還退伏武弘復階 讓髙陽倭印綬符策 / 1 ... 區區與戒不敢肅 将蔡邕今封邕陳留雍丘高陽 如夢不敢自信臣伏惟糠 限中即県 府備數典城著作東觀 飾 朝 鄉侯 主 粃 進 小生

惶累息無心怡寧唐虞之朝猶美三讓臣者何人受而 絕除在匹庶臣孑遗苗裔復家顯封前功輕重不侔慙 被蒙臣十四世祖 吹之用常以墨塊負恩寵誠不意悟很與公卿以 中外所疑對越省随摩臣之中特見褒異記無鷄犬鳴 馬及看輪較升與下軫扶接聖躬既至舊京出備 功受賞命服金紫爵至通侯非臣草菜功勞微薄所當 <u> 惠臺遂充機客令守巴郡還備侍中車駕西還執鞭路</u> 肥如侯佐命高祖以受爵賞統嗣 郎

**動定匹庫全書** 

基二

黄河若帶泰山若媽國以永存爰及苗裔夫山河至 符策語戒之詞非臣才量所能私奉歷日彌久震懼益 順思古退省金龜常級之節非臣容體所當服佩中讀 欠日日日白馬 甚臣聞高祖受命元功翊德者與共天下爵土故曰使 有所當受誠無安寧甘悅之情國憲上行下不敢逆茍 禰非臣小孩阿宗羯量褊狹所能堪勝非臣力用勤勞 符第伏受罪許臣得微勞被受爵邑光寵榮華耀熠祖 不讓臣不勝戰悼怵惕詣闕拜章上所假萬陽侯印綬 蔡中郎集 二十四

作戒末嗣非本朝之徳政遇臣之長策是以宵寢晨與 恐史官録書臣等在功臣之列蹈恩澤之科垂名後葉 如此其重也以受爵土誰曰不宜今者聖朝遷都應順 雑 陷堅破敵斬將搴旗之功小有酸截首級履傷涉血之 猶謂之小重功輕賞如此其至也是以戰攻之事大 勤苦軍旅連年界歲首如蓬葆體如涤幹勞瘁辛苦 府增數心煩慮亂喘呼息吸且鷦鷯果林不過 人奔走之役臣僕職分宜然臣事輕良莩功薄蟬翼

金グロト

臣忝自奏者資非哲人藩屏之用器非邦君憂心灼 鼯鼠飲河不過滿腹小人之情求足而已臣不勝大願 再讓高陽侯印綬符策

采馬臣雖小醜不足易勵以躡高蹤以詩人斯亡之戒 命猶能讓所不如昔之范氏不忘禮讓其下化之春秋 耳目昏冒忪蒙蔽罔累息屏氣臣聞稷契之傳以德受

量引大猶且跟踏無心寧止況臣螻蟻無功徳而散怠 觀見符策君國之海兩印雙級並在擊帶至徳元功器

跃定四庫全書

以来中部集

主

烜

太守陛下不復然論府樂為惶失守非臣敢安怔答累 晕吏入登機客未及輸力盡心日下五府舉臣任巴 臣尚書色免冠頓首死罪臣很以頑閣連值威時起自 謹奉章指關頓首敢固以請伏惟留省 之劾臣不敢違戾的虚以詎上古疑懼之誠與神明 書籍紀之以為異美夫人君無戲弄之言憲法有誣問 增甚何以居之且晏嬰辭即殿之邑張良辭三萬之户 巴郡太守謝版 诵 郡

随同位與在行列以受酒禮嘉幣之賜詔書前後賜 盗寫明時周旋三臺充列幾衡出入省闥登路丹墀 得久吞今月丁丑一章自聞乞在聞冗抱關執篇不意 卷及曛壺彈基石枰連香瓠子并各器物誠念及下 鏡盔禮經素字尚書章句白虎議奏合成二百一十 合事宜願乞還的命盡力他役死而後已臣很以愚閣 録符銀青授任千里求退得進後上先遷為衆所恠 息不知所措臣邕頓首死罪知納言任重非臣所

を日日 とう

蔡中郎集

テナ

自陳未蒙省許條結屏營歐踖受拜命服銀青光寵 惠周至每物勿謝前後重疊雖父母之於子孫無以 以命繼之臣岂頓首死罪 不問職政宣楊聖化等遵和風非臣才力所能供給必 隅頃來未悉輯睦劉馬撫寧有方桑遠功者臣以碩蒙 顣 此未得因緣有事答稱萬一不意卒遷待受非任臨時 忝辱煩污聖朝幸循舊職當喝肝膽從事肋絕骨破 上耀祖先下榮昆裔誠非所望且巴土長遠江山阻 加

金石正月五書

屯陳破壤斬獲首級詣朝堂上賀臣邕奉賀録故羽林 今月十八日前以相國兵討遊賊故河内太守王臣等 表質録換誤上章謝罪 杜行

刑書懲戒不恪陛下天地之徳不辱收戮丙辰詔書 行以存為亡錯奏謬録不可行侍御史劾臣不敬當賜 在朝堂而稱不在録各在臣不詳省按便祭以亡為存 郎 月俸贖罪臣色怔管慙怖屏氣累息不知所自投處 將李祭選城門校尉而署名羽林左監右衛尉

**处定日重心馬** 

茶中即集

主

宗孝武曰世宗孝宣曰中宗時忠正大臣夏侯勝猶執 邑頓首死罪 定迭毀孝元皇帝皆以功徳茂盛尊崇廟稱孝文曰太 左中郎將臣邕議以為漢承亡秦城學之後宗廟之 之愆雖見原宥仰愧先臣傷肌入骨不勝忪蒙流汗臣 臣邕頓首死罪臣不惟石慶數馬之誤簡忽校讐不謹 不用周禮每帝即位輒立一廟不止於七不列船 宗廟迭毀議 穆不

金グレアノニー

卷二

之直故遂行溢無有方限今理朝遵故復禮以求厥 嗣帝殷勤各欲褒崇至親而已臣下懦弱莫能執夏 宗凡方前事得禮之宜自此以下政事多繫權移臣 顯宗孝章皇帝至孝烝烝仁思溥大海內賴社廟稱 劉歆據經傳義謂不可毀上從其議古人考據慎重不 議欲出世宗至孝成帝議猶不定太僕王舜中壘校 命中與廟稱世祖孝明皇帝聖徳聰明政參文宣廟稱 私其君父若此其至也後遭王莽之亂光武皇帝受 15 ----尉

未可施行臣謹按禮制七廟三昭三楊與太祖七孝元 和皇帝孝順皇帝孝靈皇帝親在三楊廟親未盡四時 哀平帝五年一致祭孝章皇帝孝桓皇帝親在三昭孝 廟言之則非所宗八月報酬可出元帝主比惠景昭成 尊而奉之孝明遵制亦不敢毁元帝於今朝九世以七 皇帝世在第八光武皇帝世在第九故以元帝為考廟 理主賢臣所共創定欲就六廟點損所宗達先帝舊章 誠合事宜禮傳封儀自依家法今不知國家舊有宗儀

命京師都於長安享國十有一世歷年二百一十載遭 嗣曽孫皇帝其敢昭告於皇祖髙皇帝各以后配告受 足採臣邕頓首頓首 窮之常典稽禮制之舊則合神明之歡心臣愚戆議不 不復改作惟主及几筵應改而已正數世之所關為無 典殊異祖宗不可參並之義今又總就一堂崇約尚省 常陳孝明以下穆宗敬宗恭宗之號皆宜省去以遵先 宗廟祝嘏辭

獲有廖吉旦齊宿敢用潔姓一元大武柔毛剛嚴商祭 月丁已至於長安的躬不慎寢疾旬日賴祖宗之靈以 應運變通自古有之於是乃以三月丁亥來自維趙三 皇天之命以已行之事遷都舊京昔周德缺而斯干作 造早統洪業奉嗣無疆關東吏民敢行稱亂總連州縣 擁兵聚衆以圖 叛逆震驚王即命將征服股肱大臣推 享國一十 王莽之亂宗廟墮壞世祖復帝祚遷都洛陽以服土中 一世歷年一 百六十五載予末小子遭家不

銀定匹庫全書

受禄於天宜此舊都萬國和同兆民康人眉壽萬年子 亭 日月 髙皇帝使工祝承致多福無疆於爾嗣曽孫皇帝使爾 明視鄰合嘉疏香其鹹 鹺豐本明粱醴酒用告遷來尚 子孫孫永守民庶勿替引之 答齊議 部名尚書問立春當察迎氣東郊尚書在丞馬方 九祝辭 祭中耶集 =

無有不宜臣岂愚戆死罪 昭事上帝幸懷多福夫齊以恭奉明祀文王所以懷福 無嫌問祠室又宽可容無疑詩云惟此文王小心異異 者齊所以致齊不敢海散其意官室至大指使至微 殿於指揮使於尚書西祠可齊否得無不宜具對議郎 在齊潔之處元和語禮無免齊宜以自潔静交神明既 臣蔡邕博士任敏死罪對按禮上帝之祠無所為廢齊 東巡頌

**欽定四庫全書** 

服而東巡 迪哲幸修厥德憲章丕烈朝六龍較五輅齊百僚陶質 とこうう ノスラ 孝和鄧皇后崩羣臣謀諡於是尚書陳忠上言以為鄉 素命南重以司歷厥中月之六辰備天官之列衛盛輿 竊見巡行岱宗柴望山川宗祀明堂上稽帝尭中述世 宗遵奉光武禮儀備具動自聖心是以神明屢應休徴 乃降不勝在簡之情謹上岱宗頌一篇曰若稽古在漢 和意都后諡議 茶中即集 <u>=</u>

越平原建立聖主垂畴咨之問遵六事之求勞謙克躬 薇之思人懷殿 叩之聲皇太后泰圖考表 求人之瘼度 坤兼包日月厥初作合允有休烈貫魚之次加於小 黨权孔子威儀俯仰無所遭形管記君王纖微大小 中饋之叙的於惟怪遭家不造三元之尼孝陽幻冲 西戎蠢動武威侵侮并凉猾夏作冠振鸞渤碣家有采 不舉是以徳著圖籍名垂於後伏惟大行皇后規乾 中絕海內紛然犀臣累息加以洪流為災礼荒為害 则

多好四库全書

以順漢氏三百之期經藝乖好恐史闕文命衆儒考校 非為務是以尚官損服衣不粲英饔人徹羞膳不過 禮交饗祖廟以展孝子承歡之從獨正憲法六千餘事 欽定四庫全書 舉方直顯擢孝子遊忠孝之紀啓大臣喪親之哀疾貪 東觀閣學博士一缺廣選十人何有伐檀茅站不拔屢 出宫妾免遣宗室沒入者六百餘人以好鬱滞奉率借 雕鏤不為離宫罕幸儲峙不施遐方斷鐘侏離不貢罷 擇黄門關樂魚龍不作織室絕伎纂組不經尚方抑巧 蔡中郎集

更受取為姦糾增舊科之罰惡長更虛偽錮之十年追 元之世以為遺誅今畏服威靈稽類即斃徼外絕國慕 被於萬國故自昏墊迄於康又叛屬蜂集賊害邊陲永 徒以百姓為憂不以天下為樂聖誠著於禁聞而徳教 加不阿近戚賞之所及不遺側随終朝反側明發不寢 惠和不圖於策猶不自專傳謀遠暨允求殿中刑之所 蘭諸國盾子以紹三王之後事不稽古不以為政政不 崇世祖功臣國土或有斷絕封植遺苗以奉其祀爵髙

有辛姬氏任母徒以正身率內思 咸上瑞應寒而不宣允恭抑損密勿在勤遭疾不豫垂 欽定四庫全書 **諡至於明帝始建光烈之稱是後轉因帝號加之以** 會消无妄之運者也功德巍巍誠不可及漢世后氏 大行皇后勤精勞思繼國之祚正三元之衡康六百之 有卒同符先理告書契所載虞帝二妃夏后塗山高 義重譯來獻其琛史官咸賀請作主頌却而不聴郡國 念臣子御輦在殿顧命羣司流恩布澤大赦天下有 卷一郎集 媚周京為萬未有

書佐及營設故河南尹羊陟侍御史胡母班的不為用 臣被尚書名問臣以大鴻臚劉部前為濟陰太守臣屬 吏張宛長休百日部為司隷又託河内郡吏李可為 議郎冀土臣邕頓首再拜上書皇帝陛下今月十三日 被收時表 高下優劣混而為一

建禮大行受大名小行受小名之

宜益為和熹皇后上稽典訓之正下協先帝之稱

制誕法有功安居日熹帝后諡禮亦宜同大行皇太后

齊部申旨誘臣使言臣實 思戆出命忘驅不顧後患譏切 姓 ציום ישו ציום 臺閣具陳限狀所緣內無寸事而誇書外發宜以臣 與印於驗臣得以學問特蒙褒異執事秘館操管御前 與防姻家豈敢申助私黨如臣父子欲相傷陷當明言 |尋按實屬宛可不及防班凡休假小吏皆非結恨之本 名貌狀微簡聖心今年七月名指金商門問以變異 卿內及寵近區區欲答上問救佐異為陛下圖康寧 怨之狀臣怔營怖悸肝膽塗地不知死命所在寫自 蔡中郎集 三十四 對

有六孤特一身前無立男得盡節王室託名忠臣死有 宜加掩旅誹謗卒至便用疑惟豈不負盡忠之吏哉毋 子破臣門戶非復發斜姦伏補益國家者也臣年四 在上列臣被蒙恩渥數見訪速言事者因此欲陷臣 為戒誰敢復為陛下盡 忠者乎臣季父質連見 接捏 而言者不蒙延納之福旋被陷破之禍羣臣杜口以 有灾異報令百官各上封事欲以改政息譴除凶致吉 之計而已預知所言者當必怨臣陛下不念忠臣直言 位 臣

鱼好四月 在書

人二丁瓦 公司 自臣職 加食為百姓自爱臣邑死罪 身當辜戮免質并坐則身死之日更生之年也惟陸 迎趣以飲樂解情何緣復達臣死期垂至冒昧自陳乙 速及使質恨以衰老白首隨臣推沒并内坑陷誠冤誠 餘榮然恐陛下不復聞至言矣臣愚以凡冗招致禍患 痛陛下仁篤之心必不忍此臣一入牢檻當為棄楚所 漢書十志疏 爾臣對問時即為下邳相不聞臣謀今者横 1 蔡中郎集 三十五

首領得就平罪父子家屬充從邊方完全驅命喘息相 超走陛下遂由端右出相外藩還尹輦載旬日之中登 儒並拜議郎沐浴恩澤承答聖問前後六年質奉機密 陛下尤異大思初由宰府備數典城以親父故依叔父 之功一旦被章陥沒辜戮陛下天地之德不忍刀鋸截 躡 朔方髠鉗徙臣邕稽首再拜上書皇帝陛下臣邕被受 肘質時以尚書召拜中郎受詔詣東觀著作遂與羣 上列父子一 門兼受恩寵不能輸寫心力以效絲髮

銀穴四周分書

既到徒所乘塞守烽職在候望憂怖焦灼無心復能操 故尚書即張俊坐漏泄事當服重刑己出報門復聽續 所能復陳臣初决罪洛陽記獄生出牢户顧念元初中 随非臣無状所敢復望非臣罪惡所當復蒙非臣解筆 筆成草致章闕庭誠知聖朝不責臣謝但懷愚心有所 為郡縣促遣迫於吏手不得項包含辭抱悲無由上達 鞠詔書馳救一 不竟臣自在布 等輸作左校俊上書謝恩遂以轉徙岂 衣常以為漢書十志下盡王於而止 蔡中郎集

臣頗識其門户界以所有舊事與臣雖未備悉粗見首 當有增損乃可施行為無窮法道至深微 為本天文為驗請太師田注考校連年往往頗有差好 郎張華等分受之其難者皆以付臣先治律思以籌第 尾横累思惟二十餘年不在其位非外吏庶人所得擅 袓 以來惟有紀傳無續志者臣所師事故太傅胡廣 劉洪器於用算故臣表上洪與洪祭思圖牒尋釋 天誘其東得備著作郎建言十志皆當撰錄遂與議 不可獨 議郎 知

謀所 數適有頭緒會臣被罪逐故邊野臣竊自痛一為不善 連 道具以狀聞今年七月九日匈奴攻鹽池縣其時鮮 慢慢之情猶以結心不能自建臣初欲須刑竟乃因縣 使史籍所關胡廣所校二十年之思中道廢絕不得究竟 土灰呼吸無期誠恐所懷隨驅腐朽抱恨黃泉遂不設 軟先顛路科係諸志臣欲刑定者一所當接續者 犯雲中五原一 圖廣遠恐遂為變且臣所在孤危懸命鋒鏑湮滅 月之中烽火不絕不意西夷相與合 四

基於中部集

李

因臨戎長霍圉封上臣顿首死罪籍首再拜以間 書所當依據分別首目 前志所無臣欲著者五 蔡中郎集卷一 脚流離白骨剖 附識者又恐謬誤 奏祭以重書補級遺闕船明國體章聞之 所 按請 破無所復恨惟陛下留神省察謹 加 并書章左臣初考建妻子进竄 及經典郡書所宜捃摭本奏 以惶怖愁恐思念荒散十分不 觸冒死罪披瀝愚情願 詔